

SALUD

**Baby Lunah
a bandona
Aruba
diahuebs
marduga**

DiARIO
www.diario.aw

Un Bandera... Un Escudo... Un Himno... Un DIARIO

Telefon 582-6747 • Fax 582-8551 • P.O. Box 577 • Engelandstraat 29 • noticia@diario.aw

CELEBRANDO 35 AÑA CU PUEBLO Aña 37 • No. 10571 • 1,50 Florin DIABIERNA 12 FEBRUARI 2016

CRIMEN

**Mericano
awor kier
pidi disculpa
na Taxista
maltrata**

Aruba awor tin Monumento Ike Cohen

ORANJESTAD (AAN): Diahuebs atardi a celebra e contribucion di e pioneronan den nos turismo cu nan nomber graba na Monumento Ike Cohen cu a worde inaugura na Plaza

Turismo. E monumento Ike Cohen diseña pa Raffy Kock den colaboracion cu PMEC a worde realiza na honor di e pioneronan di nos industria. “Pami Ike Cohen ta representa un empresario



trahador cu un espiritu pionero y un vision claro; un homber cu un diversidad di interesnan, cu un pasion pa turismo y mas importante ainda, un compromiso pa logra excelencia”, Minister Oduber a indica.

Esfuerzo di cada un di e pioneronan ta ehempel y inspiracion pa nos generacion sigui haci turismo number uno



ORANJESTAD (AAN): Diahuebs atardi a celebra e contribucion di e pioneronan den nos turismo cu nan nomber graba na Monumento Ike Cohen cu a worde inaugura na Plaza Turismo.

Minister Otmar Oduber como titular di Turismo tabatin e honor di dirigi su mes na e invitacion presente, entre cual algun di nos pioneronan den turismo. El a indica cu 60 aña pasa Minister Juancho Irausquin hunto cu e Comisionado di Turismo, Oscar Henriquez a bin cu e idea di un hotel luhoso. Cu nan vision, e espiritu pionero y e yudanza di otro, esaki a bira realidad na 1959 cu apertura di Aruba Caribbean Hotel. Esaki tabata e comienzo di e era di progreso y desaroyo di Aruba cu a planta e simia pa un desaroyo exepcio-

nal di nos industria turistico. el a habri caminda pa hopi mas innovadoman, pioneronan y entrepreneurnan den tur area di hospitalidad.

E monumento Ike Cohen diseña pa Raffy Kock den colaboracion cu PMEC a worde realiza na honor di e pioneronan di nos industria. "Pami Ike Cohen ta representa un empresario trahador cu un espiritu pionero y un vision claro; un homber cu un diversidad di interesnan, cu un pasion pa turismo y mas importante ainda, un compromiso pa logra excelencia", Minister Oduber a indica.

E nombrenan graba den e monumento ta esunnan di individuronan cu a contribui grandemente na e desaroyo dinamico den diferente aspecto di hospitalidad. Algun a sobresali pa nan vision y liderazgo y nan habilidad pa persuadi, manera Juancho Irausquin y oscar Henriquez. Otronan tabata pioneronan y a tuma riesgonan, manera Wichi de Palm, Ramon Richardson, Harold Malmberg, Raymond Maduro, Eduardo de Veer y Ewald Biemans. Eline



Bartels-Daal tabata un innovador di mercadeo. Lloyd Baptist y Jesus Kock cu a habri e porta di entretenimento. Tabatin en-

trepreneuman creativo manera Louis Pavlis, Charlie Brouns Senior y Charlie Brouns Junior, Herman Ponson, Chaubin y


curasin. Hendenan cu a pone accion na palabra y a tuma riesgo pa realiza nan soño.

"Lo cual mi ta reconoce ta cu e vision, soño, liderazgo, iniciativa, creatividad y perseverancia, di algun, por impulsa y inspira henter un pueblo. Ta asina importante, pa nos recorda nos historia y educa nos generacionnan nobo cu nos ta cosecha lo cual nos ta sembra. Y bosonan a sembra simianan di exito. Pesey mi persona a haya asina importante pa graba e nombrenan di e personanan cu durante 60 aña a contribui cu e desaroyo di e principal industria di

Sigui lesa pag. 17



Cont. pag. 16



awendia riba nos isla. E futuro di nos pais ta demanda di nos tur e mesun caracteristicanan cu e precursornan di nos turismo a desplega den e infancia di nos industria.

Masha danki pa a pone e fundeshi fuerte riba cual nos a construi nos industria aki asina exitoso. Alavez, mi no por keda sin gradici tur esnan cu dia aden dia afo ta labora cu hopi positivismo den e industria exitante aki. Boso tur ta fuente di inspiracion pami y e futuro di nos isla ta den nos man. Manera Ike Cohen, sigui inova, sigui lidera cu curashi y curazon y tambe sigui persisti pa haci un bon trabao.

Laga e esfuerzo di cada un di e pioneronan ta ehempel y inspiracion pa nos generacion sigui haci di nos turismo esun number uno den Caribe y di con no...na MUNDO!"